



ಗುರ್ತ

ತುಳು ಕಬಿತ್ಲೆ ಗೊಂಚಿಲ್

ಡಾ.ಎಂ. ಪ್ರಭಾಕರ ಜೋಶಿ


ಕಲ್ಕೂರ ಪ್ರಕಾಶನ

ಶ್ರೀಕೃಷ್ಣ ಸಂಕೀರ್ಣ,
ಮಹಾತ್ಮಾ ಗಾಂಧಿ ರಸ್ತೆ,
ಮಂಗಳೂರು - 575 003

KSBL
PRA


45113

भारतीय भाषा संस्थान (भारत सरकार)
मैसूर-570 006 की ओर से भेंट ।
Presented with Compliment from
the Central Institute of Indian Languages
(Govt. of India), MYSORE-570 006



ಗುರ್ತು

ತುಳು ಕಬಿತ್ಲೆ ಗೊಂಚಲ್



ಡಾ.ಎಂ. ಪ್ರಭಾಕರ ಜೋಲಿ



ಕೆ.ಆರ್. ಸಂವಹನ ಸಂಸ್ಥೆ



ಕಲ್ಕುರ ಪ್ರಕಾಶನ

ಶ್ರೀಕೃಷ್ಣ ಸಂಕೀರ್ಣ, ಮಹಾತ್ಮಾ ಗಾಂಧಿ ರಸ್ತೆ
ಮಂಗಳೂರು- 575 003 ದೂರವಾರ್ತೆ: (0824) 2492789

email: kalkuraadvl@rediffmail.com

45113

GURTHA (Identity) a collection of poems in
Tulu by Dr. M. Prabhakara Joshy, Pintos Lane,
Mangalore - 575 004.

45113

~~034.1~~
PRA

Published by : Kallkura Prakashana, Mangalore

2008

K8B1
PRA

ಬಿಲೆ : ರೂ. 24-00

ವಿತರಣೆ :

ಅತ್ತಿ ಬುಕ್ ಸೆಂಟರ್

ಬಲ್ಲರ, ಮಂಗಳೂರು - 575 001

ದೂರವಾಣಿ : 2425161


ಅಚ್ಚಿ ಐತ್ತ :

ಆಕೃತಿ ಕಂಪ್ಯೂಟರ್ಸ್ ಕೆ.ಎಸ್. ರಾವ್ ರಸ್ತೆ,

ಮಂಗಳೂರು - 575 001 ದೂರವಾಣಿ : 0824 2443002

ಶ್ರೀ ಗಣೇಶ್ ಪ್ರಿಂಟರ್ಸ್

ಸಿಟಿ ಪ್ಲಾಟ್, ಮಂಗಳೂರು - 575 003



ಕಾನಿಕೆ

ತುಳು ಪಾತೆರದ ಪೊರ್ಲನು
ಹರಿಕಥೆ, ಅರ್ಥಗಾರಿಕೆಡ್
ಜೀವಜೀವ ಮಲ್ತದ್
ಅರಾದ್ ತೋಜಾದ್ ಕೊರ್ತಿನ
ಕವಿ ಹರಿದಾಸೆ, ಕಲಾವಿದ್

ಶ್ರೀ ಮಲ್ತೆ ರಾಮದಾಸ ಸಾಮಗೇರ್ಗ್

ಬೊಕ್ಕ

ಪ್ರಾಕದ ತುಳು ಕಾವ್ಯೋಕನ ಸಂಪ್ರೊಪ್ಪುನ್
ನಾಡದ್ ಕೊರ್ತಿನ ಮಲ್ಲ ವಿದ್ವಾಂಸೆ

ಶ್ರೀ ಡಾ. ಪುಂಡೂರು ವೆಂಕಟರಾಜ ಪುಣೆಂಚತ್ತಾಯೆರ್ಗ್



ರಡ್ಡ್ ಪಾತೆರ

ಉಂದು ಒಂಜಿ ಬೇತೆನೆ ನಮೂನೆದ ಕಬಿತೆಲೆ ಗೊಂಚಿಲ್. ಸಂಸ್ಕೃತದ ನಾಟಕಕಾರ ಭಾಸ ಮಹಾಕವಿನ 'ಬಾಲಚರಿತ' ನಾಟಕೊದ ಕೆಲವು ಶ್ಲೋಕೊಳೆನ ಪ್ರೇರಣೆಡ್ ಬರೆಯಿ ಬರವುಳುಂದು. ಈ ಕವಿತೆಲು, ಅನುವಾದ ಅತ್ತ್, ತರ್ಜುಮೆ ಅತ್ತ್, ರೂಪಾಂತರಲಾ ಅತ್ತ್. ಅರ್ಥಾಂತರ, ಅನುಸೃಷ್ಟಿ ಅಂದ್ ಪಣೊಲ್ಯಾ ದಾನ್ನ್. ಈ ರೀತಿದ್ ಒಂಜಿ ಪ್ರಯತ್ನ ತುಳುಟ್ಟು ಉಂದೇ ಬಹುಶಃ ಸುರುತ್ತವು.

ಯಾನ್ ತುಳುಟ್ಟ್ ಬರೆಯಿನ ಕಡಮ್ಮೆ. 1970ನೇ ದಶಕೊಡೊಂಜಿ ನಾಲ್ ಪದ ಬರೆದಿತ್ತೆ. ಒಂಜಿ ರಡ್ಡ್ ಲೇಖನ ಬರೆತೆ. ತುಳು ಮಹಾಕವಿ ಮಂದಾರ ಕೇಶವ ಬಟ್, ರಾಮಾಯಣ ಬರೆವೊಂದಿತ್ತಿ ಲೆಕ್ಕನೇ ಎಂಕ್ ಓಧ್‌ದ್ ಪಂಡ್‌ದ್ ಅಭಿಪ್ರಾಯ ಕೇನೊಂದಿತ್ತೆರ್. ಅದಗ ಆರ್‌ಲಾ, ದಿ. ಪೊಳಲಿ ಬಾಲಕೃಷ್ಣ ಶೆಟ್ಟಿಲಾ - ತುಳುಟ್ಟು ಬರೆಲಾ, ನಿಕ್ಕ್ ಆ ಸಾಮರ್ಥಿಗೆ ಉಂಡು ಪಂಡೊಂದಿತ್ತೆರ್. ಅಕ್ಲೆನ್ ಈ ಸಂದರ್ಭೊಡು ನೆನವರಿಕೆ ಮಲ್ತುವೆ.

ಇಂಚಿತ್ತಿನವೇ ಕವಿತೆಲೆನ್ ಯಾನ್
ಕನ್ನಡೊಡು ಬರೆನಗ ಎಡ್ಡೆಪಾತೆರ ಪಂಡಿ ಇಷ್ಟೆರೆಗ್
ಯೆಣೆ. ಈ ಬರವುದ ಬಾಸೆನ್ ಪರಿಶೀಲನೆ ಮಲ್ತ್
ಕೊರಿನ ಪ್ರತಿಭಾವಂತ ಲೇಖಕಿ ಶ್ರೀ ಬೋಳ
ಚಿತ್ತರಂಜನ್ ದಾಸ ಶೆಟ್ಟಿಗ್ ಕೃತಜ್ಞತೆಲು.

ಈ ಪುಸ್ತಕೊ ಪೂರ್ಲುಡು ವಿನ್ಯಾಸ
ಮಲ್ತ್ ದ್, ಅಚ್ಚಿ ಮಲ್ತಿನ ಆಕೃತಿ ಕಂಪ್ಯೂಟರ್ ದ್
ಕಲ್ಲೂರು ನಾಗೇಶೆರೆಗ್ ಎನ್ನ ಸೊಲ್ತೆಲು.

ಎನ್ನ ತುಳು, ಕಾರ್ಲದ ಬೊಕ್ಕ ಕುಡ್ಲದ
ತುಳುತ್ತ ಕಡೆ ಬಜಿಲ್.

ಭಾಸ ಮಹಾಕವಿನ ನಾಟಕೊದ
ಶ್ಲೋಕೊಳೆನ್ ಪೂಜ್ಯರಾಯಿನ ಪ್ರೊ. ಎಸ್.ವಿ.
ಪರಮೇಶ್ವರ ಭಟ್ಟಿನ ಭಾಸ ಮಹಾಸಂಪುಟೊಡ್
ಅಜತ್ ದೆ.

ಈ ಗೊಂಚಿಲ್ ನ್ ತನ್ನ ಕಲ್ಕೂರ
ಪ್ರಕಾಶನದ ಮೂಲಕ ಬೊಳ್ಳುಗು ಕೊಣತ್ ದ್
ಪ್ರೋತ್ಸಾಹ ಕೊರೊಂದುಪ್ಪುನ ನಮ ನಾಡ್ ದ ಒರಿ
ಮಲ್ಲ ಸಾಂಸ್ಕೃತಿಕ ಮುಂದಾಲು, ಎನ್ನ ಆತ್ಮೀಯೆ
ಶ್ರೀ ಪ್ರದೀಪ ಕುಮಾರ ಕಲ್ಕೂರೆರೆಗ್ ಉಪಕಾರೊದ
ಉಪಚಾರೊನು ಪನ್ನುಜಿ.

ಯೆನ್ನ ಸಾಹಿತ್ಯದ ಕೆಲಸೊಡು
ಯೇಪೊಲಾ ಬೆರಿಸಾಯ ಮಲ್ತೊಂದು ಬರ್ಪಿ
ಯಜಮಾನ್ದಿ ಸುಚೇತಾ ಜೋಶಿಗ್ ಕೃತಜ್ಞತೆ
ಪಣಯೆ

ಎಂ. ಪ್ರಭಾಕರ ಜೋಶಿ

ಎನ್. 3, ಪೀಸ್ ಲ್ಯಾಂಡ್
ಪಿಂಟೋ ಲೇನ್, ಕದ್ರಿಕಂಬಳ
ಮಂಗಳೂರು-575 004
email:joshymp@rediffmail.com

ಸಾಲ್

1. ದೇವರೆ ಬಣ್ಣ / 1
2. ತೂವರೆ ಬತ್ತರ್ / 2
3. ನಡು ನಡುಟ್ಟು / 3
4. ಪೊರ್ಲು ಪಂಡ / 4
5. ಅಯಿಡ್ಲಾ ಪೊರ್ಲು / 5
6. ಬಯಲಾಟ / 6
7. ಅಜ್ಜೆರ್ ಪಂಡಿನೆಕ್ಕಾದ್ / 7
8. ವಾ ದಿನ್ನ ವಾ ತ್ರಾಣ / 8
9. ಎಂಚೆಂಚ ಮಾತ ಉಳ್ಳೆ? / 9
10. ಜತ್ತೊಂದು ಬರ್ಪಿ ಗೌಜಿ / 10
11. ಈ ಸಾರಿ ಪೋವಂದ್ / 11
12. ದೇವಕಿನ ಬಂಜಿದ ಮಹಿಮೆನೆ! / 12
13. ತಿಂಗೊಲ್ದ ಲೆಕ್ಕ / 13
14. ತೋಜಂದಿ ಕಣ್ಣ್ / 14
15. ಮಾತಲಾ ಉಪರಾಟೆ / 15
16. ಬಾಲೆದ ಬೊಳ್ಳು / 16
17. ಪೋವಂದೆ ಬುಡಯೆ / 17
18. ಕಪ್ಪು ಸೀರೆ / 18


19. ದೇವರೆ ಗುರುತು / 18
20. ಯಾನುಳ್ಳೆ / 19
21. ಯಾನ್ಲ ಉಳ್ಳೆ / 20
22. ಬೊಕ್ಕ ಯಾನಿಜ್ಜೆನ? / 21
23. ಯೆನ್ನ ಸಬ್ಬನೇ ಯಾವು / 22
24. ಮಾತರೆನ ಬೇಲೆಗಾದ್ / 23
25. ಒಂಜಿ ಒರಿಂಡ ಯಾವು... / 24
26. ಒಂಜೊಂಜಿ ಕೋಡಿಡ್ ಸೇರಿಗೆ / 25
27. ಅಡಿಮೇಲಾಂಡ್ / 26
28. ತೀರುವಾ? / 27
29. ಬರ್ಪಿ ಗೌಜಿ / 28
30. ಪೋವಂದೆ ಆವ? / 29
31. ರಡ್ಡೆಕ್ಕಲ ಒಂಜೇ / 30
32. ಪಾಲ್ / 30
33. ಒರಿಪುನಕುಲು / 31
34. ಕೋಪೊಗು ಶಾಪೊ / 32
35. ಒಂಜಿ ರವಿ / 33
36. ಕುಡ ಕುಡ ಬರುವೊಲು / 33
37. ಸಸಾರ ಮಲ್ಲೊಡ್ಡಿ / 34
38. ಅಯ್ಪಯ್ಪ್ ಉಳ್ಳೆ / 35
39. ಗಾತ ಕೊರುವೆ! / 36
40. ಲಟ್ಟಿ ತಿರಗ್ಗದ್ ಹಾಕ್ಕೆ / 37
41. ಇಸ್ಮಯ / 38

ದೇವರೆ ಬಣ್ಣ



ದೇವರಾಂಡಲಾ, ಆತ್ಮ ದೇವರೇ
ಆತ್ಮ ದೇವರಾಯಿನೆಡ್ಡೇ
ಬಣ್ಣ ಬಣ್ಣ ಬದಲಿಪುವೆರಾಗೇ
ಒರೊ ಬೊಳ್ಳು ಬೊಳ್ಳು ಪಿರಾಕೊಡ್
ಬೊಕ್ಕೊ ಬಂಗಾರ್ ದಲೆಕ್ಕ ಮಂಜೊಲು ಮಂಜೊಗೆ
ಬೊಕ್ಕೊ ಬೊಕ್ಕ ರಾವಣೆರ್ದೆನ್ನೆ ಕೆರ್ರ
ಕಲ್ಲಿಗೊಡು ಕಪ್ಪು ಕಪ್ಪು ಕಸ್ತೂರಿ
ಆಯಿಜಿಡಾ ಒರಿವಾ
ಲೋಕೊಡ್ ಕಮ್ಮೆನ?

(ಶಂಖಕ್ಷೇರವಪು: ಪುರಾಕೃತಯುಗೇ...)



ತೂವೆರೆ ಬತ್ತೆರ್

ಓಳು ತೂಂಡಲಾ ಪೂತ ರಾಶಿ ರಾಶಿ
ಬೂರೊಂದುಂಡು ಪೊಡಿ ಪೊಡಿ ಬಂಗಾರ್‌ದ ಪೊಡಿ
ಮಿತ್ತಲೋಕೊದಕ್ಲೆನ್ ಕೊಂಬು ಬೆನಿ ಯಾವ?
ಕೈಕಂಜಿ ಮೇಪುನಕ್ಲೆನ ನಡುಟ್ಟು
ಬತ್ತೆಗೆ ಆಯೆ
ನೇ ಆವಂದಿಪ್ಪಯೆ ಆಯೆ
ತೂವೊಂಡುಂದ್ ನಾರದರ್ ಪದ ಪನೊಂದು
ಪನೊಂದು ಬನ್ನಗ ಕತ್ತಲೆಕೋಣೆದುಳಯಿಡ್ ತಲಿತ್ತೊಂದಿತ್ತೆಗೆ


(ಪತತ್ಯಸಾ ಪುಷ್ಪಮಯೀಚ ವೃಷ್ಟಿ...)



ನಡು ನಡುಟ್ಟು

ಒರ ಉಂತುಂಡತ್ತ ಮೊಕ್ಕನ ಗಲಾಟೆ
ದೇವರೆ - ರಕ್ಕಸೆರೆ ವಿದ್ಧ
ಬಾನೊಡೊಂತೆ ಸಬ್ಬ ಕೇಣಲೆಕ್ಕ ಆಂಡತ್ತ
ಇತ್ತೆ ದೆಪ್ಪುವೆ ಎನ್ನ ವೀಣೆ
ವೇದೊಲೆನ್ ಪಂಡ್ ಪಂಡ್‌ದ
ಉರು ಆನಗ
ನಡು ನಡುಟ್ಟು ಬೋಡತ್ತೆ ಸಬ್ಬ?

(ಕ್ಷೀಣೇಷು ದೇವಾಸುರ ವಿಗ್ರಹೇಷು...)





ಪೊರ್ಲು ಪಂಡ

ದಿಂಜಿದಿ ಸಂತೇಸ್
ಕಲಂಕ್‌ದಾಂತಿ ತಾಮರೆದಂಚಿನ ಮೋನೆ
ಕಣ್ಣ್ ಬಂಗಾರ್‌ದ ಗೋರಂಟಿದ
ನೆಕ್ಕಿದ ಪೂತ್ತ ಮೈ
ಬೇತೆ ಬೇತೆ ಕುಂಟು ಎಚ್ಚ ಇಜ್ಜಿ ಪದ್ಡೆ
ಪೊರ್ಲು ಪಾತೆರನೇ ಐತ
ಕಾಡ್‌ದ ಪೂ ದೆತ್ತಾದ್ ಗೊಬ್ಬೊಂದು
ಗಿಲಿಗಿಲಿ ತೆಲ್ತೊಂದುಪ್ಪಿನ
ಹಳ್ಳಿದ ಪೊನ್ನೆವೆನ ಪೊರ್ಲೆ ಪೊರ್ಲು

(ವಿತಾ: ಪ್ರಪುಲ್ಲಾ:

ಕಮಲೋತ್ಪಲ ವಕ್ರನೇತ್ರಾ...)



ಅಯಿಡ್ಲಾ ಪೊರ್ಲಾ

ತೂಯರಾ ನಿಕುಲು?
ಪತ್ತಾದೊಯ್ತಾದ ಅಡಿಟ್ಟಿತ್ತಿನ ಕಜವು
ಕಜನೆ ಮಾತ ಅಡಿಮೇಲ್ಲ್ತಾದ್
ಕೆದು ಒರ ಇಡಿ ಗಾಲ್ ಮೇಲ್
ಅಡಿಟ್ಟಿತ್ತಿ ಮಿತ್ತ ಇತ್ತಿ ಓಲೋಲ್ಲಾ
ದಿಂಜೊಂದಿತ್ತಿ ಮರಿಕ್ಲೆನ್
ನಾಲಿಡ್ ಪತ್ತಾದ್
ಎಪ್ಪರೊಡುಂತುದು ಪೊರ್ಲ ತೆಲಿಕೆ ತೆಲ್ವಿ
ದೇವೆರೆನ
ದೇವೆರ್ಚಿ ನರಮಾನಿನ ಉಂತಾಟ

(ದಾಮೋದರೋಯಂ ಪರಿಗೃಹ್ಯನಾಗಂ...)

ಬಯಲಾಟ



ಈಶ್ ಕಾಲೊಡ್ಡು ಆ ಕೆದುಟ್ಟಿತ್ತದ್
ಜನಕುಲೆ ನೆತ್ತರ್ ಪರೊಂದು
ಪೋಡಿಪಾವೊಂದು ಮೆರೆವೊಂದಿತ್ತಿ
ಐನೈನ್ ಜಿಡೆತ್ತ
ಕಡ್ಪುದ ನಾಗನ್
ಕೈಕಂಜಿ ಮೇಪಿ ಬಾಲೆ
ಹದ ಮಲ್ತದ್ ಅಮರ್ತದ್ ಜಿಡೆ
ಸುದ್ದಿ ಸುಲೇಕದಾಂತಿ
ಲೆಕ್ಕ ಮಲ್ತಿ ಗೊಬ್ಬು ಉಂದು ವಾ ಆಟ
ನೆಡ್ಡ್ ಮಲ್ಲ ಬಯಲಾಟ ಮೊವು?

(ನಿರ್ಭತ್ಯ್ ಕಾಲಿಯಮಿದಂ ಪರಿವಿಸ್ಪುರಂತಂ...)

ಅಜ್ಜೆರ್ ಪಂಡಿನೆಕ್ಕಾದ್


ಅಜ್ಜೆ ಪಂಡ ಆಂಡ್ ಎಂಕ್ ಆತೊಂಜೆ ಬಗ್ಗಿ
ವೋಳೋಳು ಉಂಡಾ ನ್ಯಾಯೊಗಾದ್ ತತ್ತ್ವೊಗಾದ್
ಬೆನ್ನುನಕ್ಕು ಅಂಚಿತ್ತಿ ಕಾಡುಲು ನಾಡುಲು
ಮಾತ ಎಂಕ್ ಎನ್ನವೇ ಊರು ಎನ್ನವೇ ತೋಟ
ಅಂಚನೇ

ಎಬ್ಬಿ ಲಕ್ಕಾವುನ ಪಂಡ ಸಂಗೀತದ
ಅತ್ತಂಡ ಅಯ್ಯಯ್ಯ
ಲಡಾಯಿ ಮಲ್ಪಾದ್ ಚಟ್ಪ ದೆಪ್ಪೆರೆ
ಬಂಜ ಕೊರ್ದಿ ಬಂಜದಕ್‌ಲೆನ್

ರಡ್ಡಾಲಾ ಕೊಸಿಯೇ ಎಂಕ್ ದಾಲ
ಬೇಜರಿಜ್ಜೆ
ಬೊಕ್ಕೊಂಜೆ ಪನ್ನೆ
ಎಡ್ಡೆ ಸಂಗೀತ ಮಲ್ಪೆರೆಂಚೆ
ಬಂಜನ ಆತೇ
ಬಂಜ ಎಡ್ಡೆಂದಿ ಒಂಜೆ
ಲಡಾಯಿ ಮಲ್ಪವರಲಾ
ಅಜ್ಜೆ ಪಂಡಿನೆಕ್ಕಾದ್, ಉಪಾಯ ಇಜ್ಜೆ

(ಭಕ್ತಿ ಪರಾ ಮಮ ಪಿತಾಮಹಭಾವಿಶೇಷು...)

ಅಜ್ಜೆ: ನಾರದರೆ ಅಜ್ಜೆ ಎಪ್ಪು



ವಾ ದಿನ್ನ ವಾ ತ್ರಾಣ

ಬೋಡು ಒರಿ
ಆಯಗ್ ಮಾತ್ರ ತೀರು
ಲೋಕ ಲೋಕೊಳೆಗ್ ಅಬಯ ಕೊರೈರೆ
ಕೈಟ್ ಪತ್ತರೆ ಗರ ಗರ ಗರ
ಉಂತಂದೆ ತಿರ್ಗು ಕಾಲಚಕ್ರ
ಅಂಚಿತ್ತನೆಯನ್
ತುಂಬೊಳ್ಳತ್ತ ಮೋಲು ದೇವಕಿ
ಆಪಂಡಾ ವಾ ದಿಣ್ಣ
ಅವ್ವೆನ್ ತುಂಬೆರೆ ವಾ ತ್ರಾಣ?


(ಲೋಕಾನಾಭಯಕರಂ)



ಎಂಚೆಂಚ ಮಾತ ಉಳ್ಳೆ?

ನಾರಾಯಣ ನಾರಾಯಣ ಬಲ್ಯಪ್ಪ
ಇಂಬ್ಯನ ಸಂಗತಿ ಪನ್ನೆರೆ
ದೇವೆರಾಂಡಲ ಇಪ್ಪುನು ನರಮಾನಿನ ನಡುಟೇ
ಆ ಲೋಕೊಡ್ತಾಂಡಲಾ ಈ ಲೋಕದ ಯತೆಗೆ
ಲೋಕನೇ ಆಯನ ಮೊನೆಗೆ
ನಂಬಿನಯಗ್ ಲೋಕ ಇಜ್ಜೆಗೆ
ರಾಮ ರಾಮಾ
ರಾವಣನ್ ಬಲಿನ್ ಬಲಿದತ್ತೆಗೆ
ಬಾರೀ ಬೀರೆಗೆ
ಅತ್ತ್
ಬೀರ ಪಂಡನೆ ಆಯೆ ಮಾತ್ರಗೆ
ಅಪಂಡ ನರಮಾನ್ಯನ ನಮಸ್ಕಾರ
ಒಡೆಗ್ ಯಾವು?

(ನಾರಾಯಣಾಯ ನರಲೋಕ ಪರಾಯಣಾಯ...)



ಜತ್ತೊಂದು ಬರ್ಪಿ ಗೌಜಿ

ವಾ ಮೆಂಚ್ ಕಣ್ಣ್ ಕಣ್ಣ್ ಹಾಕುನ ಬೊಳ್ಳು
ವಾ ತೆಡಿಲ್ ವಾ ಗಾಳಿ ವಾ ಲೋಕದವಾ?
ಬರ್ಪ ಪಂಡ ವಾಬರ್ಪ ಉಂದು ಬರ್ಪನ
ಬಾನ ಬೊಬ್ಬೆನ
ಲೋಕೊಡು ಮಾತ ಗಡಗಡ
ಮಲ್ಪಿನಕ್ಲೆಗ್ ಗಡಗಡ ಚಳಿ
ಪುಟ್ಟಾಯರೆಗಾದ್
ಪುಟ್ಟೊಂದು ಬರೊಂದುಳ್ಳೆಗೆ
ಜತ್ತೊಂದುಳ್ಳೆಗೆ
ಅಯ್ಯನೇ ಗಡ್ಡದ ವಾದ್ಯ ಉಂದು ಮಾತ

(ಭ್ರಮತಿ ನಭಸಿ ವಿದ್ಯುತ್‌ಚಂಡ ವಾತಾನುವಿದ್ಯೆ...)

ಈ ಸಾರಿ ಪೋವಂದ್



ಆಜಿ ಜೋಕ್ಲೆನ್ ಕಳವೊಂದು
ಆ ಕಣ್ಣಿನೀರ್ ಕಡಲ್ಡೆ
ಬತ್ತಿಲೆಕ್ಕ ಬರ್ಪಳ್
ಏಳನೆದವು ಅಂಚ ಪೋವಂದ್
ಬುಡಯೆರ್
ಬುಡುದು ಪಾಡಯೆರ್ ದೇವರ್ಂದ್
ಗೆಂತೊಂದು ದೈರೊಡು
ತೋಜಿದಿ ಲಚ್ಚಣಡ್ ಆಸೆ ಬೊಕ್ಕಲ
ಕೊಡಿತ್ತಂಡ್
ಗೊತ್ತಿಜ್ಜಂದೆ ದೇವರೆನೇ
ತುಂಬೊಂದು
ಬತ್ತಲತ್ತ ದೇವಕ್ಕಮ್ಮ
ಈ ಸಾರಿ ಪೋವಂದ್
ಪೋಂಡ ಈ ಸಾರಿ
ಆಯೆನೇ
ಈತ್ ಜೋಕ್ಲೆನ್ ದೆತ್ತನಾಯೆ

(ಅಗಣತ ಪರಿಬೇದಾ ಯಾತಿ ಪಕ್ಕಾಂ ಸುತಾನಾಂ...)


ದೇವಕಿನ ಬಂಜಿದ ಮಹಿಮೆನೆ!

ಲೋಕೊಡ್ತನ ದಾಂತಿನ ವಾ ವಾ ಗುಡ್ಡಲು
ನೀರುಲು ಮಣ್ಣುಲು ಮರಕ್ಕುಳು
ಬೊಕ್ಕ ಒವ್ವೊವು ಉಂಡ ಇಜ್ಜ
ಅರ್ಥ ಆಂಡತ್ತ
ಮಾತೆನ್ ಕೂಟುದು
ಮಾತೆನ್ ಬಿರಾದ್ ಸೇರಾದ್
ಮಲ್ತಿನ ಒಂಜಿ ರಾಶಿ
ಅವು ವಾ ತೂಕ ವಾ ದಿಣ್ಣ
ಅವ್ವೆನ್ ಬಾಲೆ ಮಲ್ತದ್
ಒಂಬ ತಿಂಗೊಳು ಬಂಜಿಡ್
ದೀವೊಂಡಳತ್ತ
ಎಂಚಿನ ಅವು
ಅರ್ತ ಆವಾ ಎಂಕಲೆಗ್
ಅತ್ತ ಆಲೆಗೇ
ಅತ್ತ ಆ ದೇವೆರೆಗಾಂಡಲಾ?

(ವಿಂಧ್ಯಮಂದಾರ ಸಾರೋಯಂ...)



ತಿಂಗಳೊಲ್ದ ಲೆಕ್ಕ



ಸರ್, ಒಂಜಿ ಕೋಡಿಗ್
ಮನಸ್ಸ್ ಒಂಜಿ ಕೋಡಿಗ್
ಬುದ್ದಿ ಬೊಕ್ಕೊಂಜಿ ಕೋಡಿಗ್
ಅಂಚಿ ಇಂಚಿ ಆವೊಂದು
ಅಲ್ಮಾನೊಡು ಬತ್ತೊಲ್ ದೇವಕಿ
ತಿಂಗಳೊಳು ಬಾನೊಡ್ ಒಂಜಿ
ನೀರ್ಡ್ ಒಂಜಿ
ಅತ್ತ
ಏತೇತೋ ತೋಜುಜ? ಅಂಚನಿ
ಪಂಡ
ಅಪ್ಪೆ ಪಂಡ ಮಾತ ಅಪ್ಪೆನಕುಲು
ಅಂಚನಿ ಅತ್ತ?

(ಹೃದಯೇನೇಹ ತತ್ರಾಂಗ್ಯ ದ್ವಿಧಾಭೂತೇವ...)



ತೋಜಂದಿ ಕಣ್ಣ

ಕತ್ತಲೆ ಪಂಡ ಕರ್ಗಂಡ ಕತ್ತಲೆ
ಮೈಯ್ಯ ಮಾತ ಮಜ್ಜಿದ ರಾಶಿ ಪತ್ತಿಲೆಕ
ಅತ್ತ ಮಜ್ಜಿದ ಪೊಡಿಟ್ಟೀ ಮುರ್ಕಾಯಿಲೆಕ
ಅಕ್ಕಸೊಡ್ಡು ದೊರಿ ದೊರಿದ್ ಬೂರ್ದೆಕ
ಮೈಂದ್‌ದ ರಾಶಿ ರಾಶಿ
ಪಾಡಿಲೆಕ

ಈ ಕತ್ತಲೆ ಇಪ್ಪುನಗ
ತೋಜಂದ್

ಪಿರೆಜನ ಇಜ್ಜಿ ಕಣ್ಣ
ಮೂರ್ಬೆರೆಗ್ ಮಲ್ತಿನ ಉಪಕಾರದ ಲೆಕ
ಬಾಸೆದಾಂತಿ ದನಿಕ್ ಚಾಕ್ರಿ ಮಲ್ತಲೆಕ

(ವಿಲಿಂಪತೀವ ತಮೋಂಗಾನಿ...)

ಮಾತಲಾ ಉಪರಾಟೆ



ವಾ ಬರಿ ತೂಂಡಲಾ ಅಂಚಿಂಚಿ
ಮೂಡಾಯಿ ಪಡ್ಡಾಯಿ ಅದ್
ಬಡಕಾಯಿ ತೆನ್ನಾಯಿ
ಮಾತ ಕೋಡಿಡ್‌ಲ
ಬೊಲ್ವಿಜ್ಜಿ ಉಲ್ಲಾಸ್ ಇಜ್ಜಿ
ಪುರ್ಕಾಸ್ ಮಾಯಕ
ಮರಕ್ಕುಲು ಮಾತ ಮರಕಟ್ವಾಡ್ ಕುತ್ತ
ದುಂಪೋವರ್ಲತ್ತ ಉಂತರ್ಲತ್ತ
ಮಿತ್ತಾದ ತಿರ್ತ ಆತ್‌ಂಡ್
ತಿರಿಪ್ಪೊಡಯಿನ ಮಿತ್ತ್ ಕುಲ್ಲುದುಂಡು
ಎಲಕತೆನೆ
ಭವುಶ್ಯ ಆಯೆ ಬಡ್ಯರೆ ದುಂಬು
ಒರ ಇಂಚೆ ಮಾತ
ಉಪ್ರಾಟಿ ಆಪುಂಡ ದಾನ್

(ಅಪ್ರಕಾಶಾ ಇವ ದಿಶಾಃ...)

ಬಾಲೆದ ಬೊಳ್ಳು



ಇಂಚ ಮಾತ ಒಂಜೆಕೊಂಜಿ ಆನಗ
ಮಲ್ಪೊಡು ದಾನೆ
ಎಂಚ ಕಾರ್ ದೀಪಿನೊಡೆಗ್
ವಾ ದಿಕ್ಕುಗ್ಂದ್
ಎಂಕ್ಲೆಗ್ ಮಲ್ಲೆಕ್ಲೆಗ್ ಗಜಬಿಜಿ
ಆನಗಾನಗ
ಆಡೇಗೆ
ಆಲಾ ಬಾಲೆದ ಬೊಳ್ಳು
ಬಾಲೆ ಕೊರ್ತಿನ ಸಾದಿ
ಪೊಸಬ್ಬೆರೆನ ಪೊಸ ಸಾದಿ
ಜಗ್ಗ ಅಂದ್ ಸಾದಿ ತೋಜಾಂಡ್

(ತಮಸಾ ಸಂವೃತೇ ಲೋಕೇ...)

ಪೋವಂದೆ ಬುಡಯೆ

ಈ ಮಲ್ಲ ಸುದೆ ಬಾರೀ ಬೊಳ್ಳ
ವಾ ಒಯ್ಲ ಒಯ್ಪಿ ರವಸ್ಸ
ಅತ್ತ ಇಡೆಟ್ವ ಉಚ್ಚುಲು ಮುದಲೆಲು
ಅಯ್ಯಮ್ಮ
ಒಂಜೆಡೊಂಜಿ ಬಲ
ನೀರ್ ದ ತೆರೆ ನುರೆ
ಆಂಡಲಾ ಬುಡಯೆ
ಅಂಚಿಗ್ ಪೋವಂದೆ ಬುಡಯೆ
ಕೈಟ್ ಪತೊಂದೆ ದೇವರೆನ್
ಬಾಲೆನ್
ಅತ್ತ ಬಾಲೆ ದೇವರೆನ್
ಅಯಗ್ ಎನ್ನ ಕೈ
ಪತ್ತಂದೆ ಸಾದಿ ಇಜ್ಜೆ

(ಇಮಾಂ ನದೀಂ ಗ್ರಾಹ ಭುಜಂಗ ಸಂಕುಲಾಂ...)



ಕಪ್ಪು ಸೀರೆ



ತಿಂಗೊಳ್ಳ ಬೊಲ್ಪುದಾಂತಿ ಇರ್ಲ್
ದಾಂತೆಲಾ ತೋಜುಬಿ ಪರೆಲ್ಲ್ದ ಲೆಕ
ಅರ್ದ ಕಣ್ಣ್ ಬುಲಾದ್
ನೀಲಿದ ಕಪ್ಪುದ ನೀಲಿಕಪ್ಪುದ
ಸೀರೆ ರಾಕಿ ಸುತ್ತಾದಿ
ಕೈಕಂಜಿ ಮೇಪುನಲೆ ಲೆಕ
ತೋಜುಂಡು ಈ ಇರ್ಲ್
ಬರ್ದೆನಾ ಅಂದ್ ಒರಿ ಕಪ್ಪುದಾಯೆ
ಕಪ್ಪುಡ್ಲೆ ಬೊಲ್ದ್ ಬೊಲ್ಪುನ
ಕನಪ್ಪುನಾಯೆ

(ದುರ್ದಿನ ವಿನಪ್ಪ ಜ್ಯೋತ್ಸಾ...)



ದೇವರೆ ಗುರುತು

ಇತ್ತಂಡ ತರೆಟ್ವ ಎನ್ನ ಕಾರ್ದ ಅಚ್ಚಿ
ವಾ ಗರುಡೆಲಾ ವಾ ಬೂತೊಲಾ ಧಾಲ ಮಲ್ಪಂದ್
ಅಬಯ ಕೊರು

(ಮಮ ಪಾದೇನ ನಾಗೇಂದ್ರ...)



ಯಾನುಳ್ಳೆ

ಯಾನುಳ್ಳೆ ಪೋಡ್ಯೊಡ್ಡಿ ಪಕ್ಕಿ ಪಕ್ಕೀಂದ್
ಎಲ್ಯ ಮಲ್ಯೊಡ್ಡಿ
ಆಯನ್ ಯಾನೇ ತುಂಬುನಯೆ
ಆಯೆ ಎನನ್ ತುಂಬುದೆ ಮಂಡೆಡ್
ಇತ್ತೆಲ ಬುಡಯೆ
ಯೇಪಲ ಬುಡಯೆ
ತುಂಬೊಂದೇ ಪೋವ
ಒಡೆಮುಟ್ಟಲ ಒಯ್ಲಾ
ಇತ್ತೆನೈನಾ ಸೈತ್ತೆನೈನ್
ದಾಂತಿನೆನ್
ಆನಿ ತುಂಬುದಿಜೆನ ಯಾನ್
ದೇವೆರೆನ್
ಮಲ್ಲ ಮಲ್ಲ ವಿದೊಡು
ಆರೇ ಕೊರಿನ ಸಗ್ಗಿಡೇ
ಅಪಂಡಾ
ಕೊರೆಯಡ ಕಡಮೆ ಆವ?
ಆಂಡಲಾ
ದೆತೊನ್ನಯಡ ಮುಗಿದ್ ಪೋವ?

(ಅಹಂ ಸುಪರ್ನೋಗರುಡೋ ಮಹಾಜವಃ...)

ಯಾನ್ಲ ಉಳ್ಳೆ



ಏನ್‌ಲಾ ಉಳ್ಳೆ ಒಡೆಮಟ್ಟಲಾ
ಮದ್ಯನದ ದೊಂಬುದ ಲೆಕ್ಕ
ಉರಿ ಉರಿ ಗಿರನೆ ತೂ
ಒಂಜೊಂಜಿ ಕಾಲೊಡ್‌ಲ
ಎಂಚೆಂಚಿನೆಕ್ಲೆನ್
ನುರಿಪ್ಪಾದ್ ನುಂಗಾದ್
ಚಟ್ಪೆತ್ತನಾಯೆ ಯಾನೇ
ಪಂಡ ಆರೆನ ಕೈಟ್ ಇತ್ತಾದ್
ಗೊತ್ತಾಂಡೆ?

(ಚಕ್ರೋತ್ಥಿ ಕೃಷ್ಣಕ ಕರಾಗ್ರ ಶೋಭೀ...)

ಬೊಕ್ಕ ಯಾನಿಜ್ಜೆನ?

ಬೊಕ್ಕ ನಡುಟ್ಟು ಯಾನಿಜ್ಜೆನ
ದೇವರೇ ಕೈ ಪತ್ತಿನ
ಪೊಣ್ಣಲೆಕ್ಕ ಇತ್ತಾನ ಆಣ್ಣೊವು
ಜುವೊ ಜುವೊ
ಎಡ್ಡೆ ಬೇಲೆಗಡ್ಡೆ ಬತ್ತಿನ
ಮಲ್ಲ ಮಲ್ಲ ಪೆಟ್‌ದಕ್ಲೆನ್
ಪಿರಾಣೆಳೆನ್
ಮಾತ ಒಂಜೆನ್ನಾ ಬುಡಂದೆ
ರಟ್ಟಾದೆ
ಒಲ್ಲು ಒಡೆಮುಟ್ಟು

(ಶಾಂಗೋಸಿ ವಿಷ್ಣುಕರಲಗ್ಗೆ ಸುವೃತ್ತಮಧ್ಯಾ...)

45113

Govinda Dasa College Library



45113

ಗುರ್ತ • ಎಂ. ಪ್ರಭಾಕರ ಜೋಡಿ / 21

ಯೆನ್ನ ಸಬ್ಬನೇ ಯಾವು



ಪೇರ್‌ದ ಕಡಲ್‌ಡ್ ಬತ್ತಿ ಸಬ್ಬ
ಬಜಿ ಶಂಕ ಆತ್
ಅವು ಉಡಲ್‌ದ
ನ್ಯಾಯನೀತಿದ
ಲೋಕ ಲೋಕದ ಜ್ಞಾನೊದ
ಸಂಕ
ಈ ಸಂಕ ದಾಂಟ್ಕೆರೆ ಬಲ್ಲಿ
ಓಂಕಾರ ಒಂಜೇ ಯಾವು
ದುರ್ಬುದ್ಧಿಲು ಮಾತ ಏತೇ ಬರಡ್
ಕೇಂಡ ಯಾವು ಪದ್ರಾಡ್

(ಅಹಂ ಹಿ ಶಂಖಃ ಕ್ಷೀರೋದಾದ್ವಿಷ್ಟುನಾ...)

೨೨೨



ಮಾತೆರೆನ ಬೇಲೆಗಾದ್

ಆಯಿನವು ಆವರಿತ್ತಿನವು
ಆವರೆಗೇ ಬಲ್ಲಿದಿತ್ತಿನವು
ಯೇತೇತೋ ಉಂಡು
ಅರ್ತೋಗು ಅನರ್ತ ಆವಂದಿಲೆಕ್ಕ
ದೇವೆರಾವಡ್ ಒಂತೆ ಹಗುರ
ಪೂಡ್ಲಾಲಾ ಹಗುರ
ಮಲ್ಲ ಮಲ್ಲ ಮಾತ ಬೊಡ್ಡಿ
ಎಲ್ಯ ಎಲ್ಯ ಆದ್ ಬೊಕ್ಕ ಮಲ್ಲ ಆಲೆ
ಮಲ್ಲ ಮಲ್ಲ ಇತ್ತಿನೆನ್ ಮಾತ ತೋಜಲೆ
ದಿನ್ನ ತಡತೊನೆರ ಬಲ್ಲಿ ನರಮಾನಿಗ್
ಹಗುರ ಹಗುರ ಆದ್
ದಿನ್ನದ ಪ್ರಸಾದೊನು
ಕೊರ್ದೆ ಕೊರ್ಪಾಲೆ
ಮಾತೆರೆ ಬೇಲೆಗಾದ್

(ಕಾರ್ಯಾಣ್ಯಕಾರ್ಯಮರಾಸುರಾಣಾಂ...)



ಒಂಜಿ ಒರಿಂಡ ಯಾವು...

ದಿನ ಇತ್ತಿಲೆಕ ದಿನ ಇಪ್ಪುಜಿ
ಇನಿತ್ತಲೆಕ ಎಲ್ಲೆ ಇಪ್ಪಂದ್
ದಿನ ಬರು ಎಡ್ಡೆ
ದಿನ ಪೋವು
ಆಂಡಲಾ
ಪೊತ್ತುದು ಪೋಯಿನೆ ಎಡ್ಡೆಪು
ಪೂರಾ ಪೋದಿಪ್ಪಂದ್ಂದ್
ಎಡ್ಡೆ ಮನಸ್ಸ್ ಒಂಜಿ
ದೀದ್
ಒರಿಪಾಂಡ ಯಾವು
ಅವು ಅವು
ದುಂಬುಗೊಂಜಿ ಮಾಮಲ್ಲ
ಮರಕ್ಕೊಂಜಿ
ಬೀಜ


(ಜಾನೇನಿಕ್ಕಂ ತ್ತಾಂ ಪ್ರಕೃತ್ಯಾ...)

ಒಂಜೊಂಜಿ ಕೋಡಿಡ್ ಸೇರಿಗೆ



ಒಂಜಿ ಇಲ್ಲಡ್ ಪೇರ್
ಒಂಜಿ ಇಲ್ಲಡ್ ಕೊಜಪ್ಪು
ಬೊಕ್ಕೊಂಜೆಟ್ ಬೊಳ್ಳೆ
ನುಪ್ಪು ಪಾಯಸ
ಅಲೆ
ಇಂಚ ಸೇರ್‌ದ್ ಸೇರ್‌ದ್
ಊರೊರೈದ
ಸೇರಿಗೆಡ್
ಆವೆ ಇಂಬೈ
ಮಾತೆರೆನ ಬಾಲೆ
ಬಾಲೆಲೆಗ್ ಮಾತ
ಅರಸು
ಈ ಬಾಲೆ


(ಏಕೆನ್ನಿನ್ ಗೇಹೇ ಗತ್ತಾ ಕ್ಕೇರಂ...)



ಅಡಿಮೇಲಾಂಡ್

ಉತ್ತುದಿ ನೆಲನೇ ಗಡಗಡ
ಮಿತ್ತಾದ ಮಾಡ್ ಮಾಳಿಗೇಲು ದಡಬಡ
ಕಡಲ್ದ ಮುಗಿಯಂದಿ ಅಲೆತ್ತ ನುರೆ
ಓಡೊಡೆಗೋ ರಟ್ಟಾಂಡ್ ಓಡ
ಉಂದು ವಾ ಲಚ್ಚಣ್?
ಎಡ್ಡೆನಾ ಹಾಳಾ
ನನ ಸರಿಯಾವಾ? ದಾನ್ನ

(ಯನ್ನೇದಿನೀ ಪ್ರಚಲಿತಾ ಪತಿತಾಗ್ರಹಮ್ಯಾಃ...)



ತೀರುವಾ?

ಗಟ್ಟಿಕ್ಕಲ್ಲುಳು ಬಂಗಾರ್ ಕರ್ಬ ರಾಶಿ ರಾಶಿ
ಗುಡ್ಡೆ ಗುಡ್ಡೆದ ಸಾಲ್ ಸೇರಿಗೆದ
ಪರ್ವತೊನು ಕಕ್ಕದ ರೆಂಕದ ಗಾಳಿ
ನಡ್‌ಗಾವ?

ಬಾರಿ ಬಾರಿ ಮುದಲೆ ಮೀನ್ ಉಚ್ಚುಲು
ಉಪ್ಪುನೀರ್‌ದ ರಾಶಿ ರಾಶಿ
ಇತ್ತಿ ಕಡಲ್‌ನ್ ಕೈನೀರ್
ಮಲ್ತ್‌ದ್ ಪರ್ವೆಂದ್‌ಂಡ
ತೀರುವಾ?

1831
PRA

(ಸೌವರ್ಣಿಕಾಂತ ತರಕಂದ ಕೂಟ ಕುಂಜಂ...)




ಬರ್ಪಿ ಗೌಜಿ

ಏಪೂಲಾ ಏಪೂಡ್ಲಾ ಬಾನೊಡೇ ಇಪ್ಪಿನೊಂಜಿ
ಮಾಮಲ್ಲ ಬೂತೊ
ಊರುದೊಂಜಿ ಕೆಲಸೊಗ್ ಜತ್ತಾದ್ ಈ ಲೋಕೊಗು
ಬನ್ನಗ ಈತಮಾತ ಒಂಜಿ ಗೌಜಿ
ವಾದ್ಯನಗಾರಿ ದುರುಸು
ಬೋಡೇ ಬೋಡು
ಅತ್ತ ಅವು ಇಪ್ಪುನವೇ
ಅವು ಪೋನಗ ಮಾತ್ರ
ಉಂಡತ್ತೇ
ಅಂಚ ಮಾತ ಇಜ್ಜಿ
ಪೋಯಿ ಬೊಕ್ಕ ಮಾತ್ರ


(ಭೂತಂ ನಭಾಸ್ಥಲನಿವಾಸಿ ನರೇಂದ್ರನಿತ್ಯಂ...)

ಪೋವಂದೆ ಆವ?



ಆಜಿ ಬಲಿ ಕೊರ್ಡು
ದಾತ್ ದಾಂತೆ
ಬಸ ಇಜ್ಜಂದೆ
ಸೋತ್ ಸೋತ್‌ದ
ಕುಡ ಕುಡಲಾ
ದೊಂಕ್‌ದ್ ಹಳಿ ಹಂತಾರ
ಮಲ್ತನಾಯನ
ಬಾಕಿಲ್‌ಗೇ ಪೋವೋಡೇ
ಪೋವಂದೆ ಆವಾ
ಬದ್ಲೊಡತ್ತೆ?

(ಷಣ್ಣಾಂ ಸುತಾನಾಂ ಸಮವೇತ್ಯನಾಶಂ...)



ಒರಿಪುನಕುಲು

ಗೊತ್ತುಂಡೆಂಕ್ ಯೇಪಲಾ ಈ
ಸುಬಾವೊಡೇ ಅರ್ತಿದಾಯೆಂದ್
ಅಂಚ ಕೆಲವೆರೆಗ್ ಎಡ್ಡೆಪ್ಪು ಪನ್ನುನವು
ಮಲ್ಲೊಂಪಿನವತ್ತ್
ಇತ್ತಿನವೇ
ಇಂಚಿತ್ತಿನಕುಲೇ ಆಪೊತ್ತುದ ಕಾಲೊಡು
ಒಂಜಿ ಇಲ್ಲದ ದೇಸೊದ
ಬಿತ್ತೇ ಪೊತುದು ಪೋಪಿ
ಸಂಕಟೊಗ್ ತರೆಕೊರ್ಪು
ಯೆಂಚಂಡಲಾ ಆಪ್ವೇನ್ ಉಳತ್ತುಳಯಿ
ಬಂಗೊಡು ಒರಿಪಾವೊಂದು ಸಾಂಕ್‌ದ್
ರಕ್ಷಣೆ ಮಲ್ಪಿನಕುಲು
ಬೋಡು ಯೇಪಲ
ನಿನ್ನಂಚಿನಕುಲು

Govinda Dasa College Library



(ಜಾನೇ ನಿತ್ಯಂ ವತ್ಸಲಂ ತ್ವಾಂ ಪ್ರಕೃತ್ಯಾ...)

034,1
PRA

45113

ಗುರ್ತ • ೨೦. ಪ್ರಭಾಕರ ಜೋತಿ / 31



ಕೋಪೋಗು ಶಾಪೋ

ಎನ್ನ ಎದರ್‌ಗ್ ಯೇರುಂಡು
ಯಾನ್ ಪಂಡಿಲೆಕ್ಕೋನೇ ನಡಪುಂಡು ಮಾತಾ
ಯಾನ್ ಪಂಡಿಲೆಕ್ಕೋನೇ ಉಳ್ಳೆರ್ ಮಲ್ಲ ಮಲ್ಲಕ್ಕು
ವಾಮಲ್ಲ ಸಂಗತಿ?
ಕೊಂಡು ಪೋಪುನಯನೇ
ಯೇರ್ ಆಯೆ ಅಂದ್ ಕೇನ್ನೆ
ಪಣ್ಣಗನೇ
ಕೈಟ್ ಮೆಂಚಿ ತೆಡಿಲ್ ಪತೊಂದು
ಕರಿಕಪ್ಪು ಮಜ್ಜಿದ ರಾಶಿ
ಪೊತ್ತೊಂದು ಬತ್ತಂಡ್ ಮಸಣ

(ಕ್ರೋಧೇನ ನಶ್ಯತಿ ಸದಾ...
ಸ್ಮಶಾನ ಮಧ್ಯಾದಹಮಾಗತೋಸ್ತಿ...)


ಒಂಜಿ ರವಿ

ಭೂಮಿಗ್ ಬತ್ತಂಡ್, ಅತ್ತ ಇತ್ತಂಡ್
ಒಂಜಿ ಮಿತ್ತಲೋಕೊಡುಂಡು
ಕಂಸೆರೆನ್ ಚಟ್ಪ ದೆಪ್ಪರಾ
ಬೇತೆ ಬೇತೆ ಹತ್ಯಾರಿ ಪತೊಂದು
ಅಪಗಪಗ ಬರು
ಶುಂಬೆ ನಿಶುಂಬೆ ಗೋಣೆ ಮಾತ ಪೋಯೆರ್
ಈ ಸಾರಿ ಕಪ್ಪುದಯನ ಒಟ್ಟುಗು
ಜತ್ತಾದ್ ಬತ್ತಾದ್
ಮುಗಿಪೆರೆಗುಂಡು ಮೊಕ್ಲೆನ ಅಬತ್ತಾರ

(ಏಕಾಂಶಃ ಪತಿತೋ ಭೂಮೇ... ಶುಭಂ ನಿಶುಂಭಂ...)

ರವಿ=ತುಣುಕು, ಶಾಖ, ತುಂಡು

ಕುಡ ಕುಡ ಬರುವೊಲು



ಸೈತ್ತಿನಾಲಂಡಲಾ ಜೂವೊ ಜೂವೊ
ಕುಡ ಕುಡ ಬರುವೊಲು
ಜೋಕ್ಲೆನ ಮೈಮೆಡ್ ಬದ್‌ಕ್‌ದ್ ಉಂತುವೊಲು
ದಾನೆ ಮಲ್ತಂಡಲಾ
ಅಪ್ಪೆನ್ನಿನೆನ್ ಕೆರೈರ ಆವೆ?

(ದಾರಿಕೇಯಂ ಮೃತಾಪೂರ್ವಂ ಪುನರೇವ...)



ಸಸಾರ ಮಲ್ಪೊಡ್ಚಿ

ಯಾನತ್ತಾ ಕಿಷ್ಟಸರ್ಪೆ ತುಚ್ಚಾಂಡ ವಾವಾ ರಕ್ಕಸೆಲಾ ಸೈಪೆ
ಈಸರ ದೇವರೆ ಬಾಲೆ ಕೆರ್ತಿಚೆನ
ತಡ್ಡೆ ಕಿರೀಟದಕ್ಲೆನ್
ಉಳಿತ್ತ ಒಂಜಿ ನಿನೆ ಯಾವಂದಾ
ಸಪಾಯಿ ಮಲ್ಪೆರೆ
ವೇಷ ಮಲ್ತೊಂದು ಬತ್ತಂಡ
ಗುಮ್ಮೆ ಅಮ್ಮೆ ಆವ?

(ಕಿಂ ದಪ್ಪಂ ಕೃಷ್ಣ ಸರ್ಪೇಣಾ...
ಅಪೀದಂ ಶೃಣು ಮೂರ್ಖಿ ತ್ವಂ...)

ಅಯ್ಯಯ್ ಉಳ್ಳೆ



ಪಾಪದಕ್ಲೆನ್ ಅಮರ್ತಾದ್
ಮಲ್ಲ ಮಲ್ಲ ಕಂಸೆರಾದ್
ಅರೆಮರೆರೆನ್
ಒಟ್ಟುಗು ತೈನಾತಿ ದೀವೊಂದು
ಓಲೋಲು ಬುದ್ದಿ ತೋಜಾಪೆರೋ
ಆಡೆ ಮಾತ
ಬರ್ದೆ ಗಾಳಿಯಾದ್ ಚಕ್ರ ಚಕ್ರ
ತಿರ್ಗಾದ್ ಗದೆತ ಶಬ್ದ ಶಂಕ
ಆದ್ ನಡೆಗಾದ್ ಕೆರ್ದೆ

(ಗಿರಿತಟ ಕಠಿನಾಂಸಾವೇವ...)

ರುದ್ರೋ ವಾಯಂ ಭವೇಚ್ಚಕ್ರೋ ಯತ್ರ ಯತ್ರ...)



ಗಾತ ಕೊರುವೆ!

ಗೊತ್ತುಂಡಂಕ್ ಹಳ್ಳಿಡ್ ಹಳ್ಳಿ ಹಳ್ಳಿಡ್
ತಯಾರಾತೆಗೆ ಒರಿ ಒರೊರಿ
ಕೈಕಂಜಿ ಮೇಪೆಲೆಗೆ ಕಪ್ಪುದಾಯೆಗೆ
ಒಟ್ಟುಗೆ ಒಪ್ಪಪುಟ್ಟಿ ಬಲ
ರಾಮೆಲಾ ಉಳ್ಳೆಗೆ ಉಪ್ಪಡ್
ಮಲ್ಲೆ
ಹತ್ಯಾರಿ ತಯಾರ್ ಮಲ್ಲೆ
ಬಿರುಪಗರಿ ಕತ್ತಿ ಕುಡ ಕುಡ ಕುಡರಿ
ಮಲ್ಲ ಮಲ್ಲ ಮರ್ದೆರೆನ್
ಕಡಪುಡ್ಡೆ ಉಲ್ಲೇರತ್ತ
ಪೊಡಿಕಾಸ್ ಗ್ ಓಂಜೊಂದು ಬರ್ಪಿನಕ್ಕು

(ಶ್ರುತ್ವಾಪ್ರಜೇ ವಿಪುಲ ವಿಕ್ರಮ...)

ಲಟ್ಟ ತಿರಗ್ಗದ್ ಹಾಕ್ಯೆ

ಮೇಲ್ ಬೂರು ಬರ್ಪಿ ಆನೆಲು
ನಡತ್ತಿನವ್ವೆ ಸಾದಿ
ಮಲ್ತನವೆ ಸೈಂದ್ ನುರ್ಕ್ದ್
ಬರೊಂದಿತ್ತಿಲೆಕೊನೇ ಒಂಜೇ
ದಾಡೆಡ್ ಪತ್ತಾದ್
ಲಟ್ಟ ತಿರಗ್ಗದ್ ನಿಲೆಕ್ಕ್ ಹಾಕಿನ್ನೇ ಹಾಕಿನಿ
ಸುದ್ದಿ ಇಜ್ಜೆ

(ತಮಾಪತಂತು ಸಹಸಾ ಸಮೀಕ್ಷ್ಯ...)



ಇಸ್ಮಯ



ಇಸ್ಮಯದ ರೂಪೊ
ಅರ್ಥ ಆವಂದಿ ವೇಷೊ
ಮಂಜಲ್ದ ಕುಂಟು
ಕಡಲ್ದ ಮೈ
ಕೋಪದ ಕಣ್ಣಾಂಡಲಾ
ಅಗೆಲ ಅಗೆಲ ನೋಟೊ
ನುಗ ನಾಯರ್ ಪತ್ತಿನಾಯನ
ಬಟ್ಟುಗೇ ಬರೆ
ಕಡಪ ರಾಜ್ಯೋಗ್ ಸೇರಾಪಿ ಬಲತ್ತ ಬಾಲೆ

(ಆಪೀಡದಾಮ ಶಿಖಿ ಬರ್ಹವಿಚಿತ್ರ ವೇಷ...)

ಬೇತೆ ಬರವುಲು

ಯಕ್ಷಗಾನ ವಿಮರ್ಶೆ

ಜಾಗರ

ಕೇದಗೆ

ಮಾರುಮಾಲೆ

ಪ್ರಸ್ತುತ

ಯಕ್ಷಗಾನ ಪದಕೋಶ

ತಾಳಮದ್ದಳೆ

ವಾಗರ್ಥ

ಕೃಷ್ಣ ಸಂಧಾನ : ಪ್ರಸಂಗ ಮತ್ತು ಪ್ರಯೋಗ
ಮುಡಿ

ಭಾರತೀಯ ತತ್ವಶಾಸ್ತ್ರ

ಮಂದಾರ ಕೇಶವ ಭಟ್ (ತುಳು)

ಒಟ್ಟುಗು ಬರೆತಿನವು

ಮಣೇಲ್ ಶ್ರೀನಿವಾಸ ನಾಯಕರು

ಭಾರತೀಯ ತತ್ವಶಾಸ್ತ್ರಪರಿಚಯ

ಕುಮಾರಿಲ ಭಟ್ಟ

ದಕ್ಷಿಣ ಕನ್ನಡ

ಸಂಪಾದಿತ

ಅರ್ಥಗಾರಿಕೆ

ಯಕ್ಷಗಾನ ಚಿಂತನ

ಕುಕ್ಕಿಲ ಸಂಪುಟ

ಜತೆ

ಎನ್. ಮಾಧವಾಚಾರ್ಯ

ಪ್ರೊ. ಎಂ.ಎ. ಹೆಗಡೆ

ಪ್ರೊ. ಎಂ.ಎ. ಹೆಗಡೆ

ಗುರುರಾಜ ಮಾರ್ಪಳ್ಳಿ

ಜತೆಟ್ಪ ಸಂಪಾದಿತ

ಯಕ್ಷಗಾನ ಮಕರಂದ

ಯಕ್ಷಕರ್ದಮ

ಗಾನಕೋಗಿಲೆ

ಸ್ವರ್ಣರೇಖೆ

Vision 21st Century





ಗುರ್ತು

ನಲ್ವತ್ತೊಂಜೆ ಅರ್ಧಾಂತರ - ಅನುಸೃಷ್ಟಿ ಕಬಿತೆಲು



1881

